



Pou Piblikasyon Imedya: 24/05/2022

GOUVÈNÈ KATHY HOCHUL

GOUVÈNÈ HOCHUL ANONSE SELEBRASYON 'JOUNEN SOTI DEYÒ AK RASANBLE'

Jounen enklizif ak aksesib pou Iwazi ak amizman pou fanmi nan pak ak teren piblik eta a yo nan samdi 11 jen

Gouvènè Kathy Hochul te anonse jodi a ke evènman 'Jounen Soti Deyò ak Rasanble' yo pral fèt nan 21 lokal ki seleksyone atravè Eta New York nan samdi 11 jen. Depatman Konsèvasyon Anviwòmantal (Department of Environmental Conservation, DEC) Eta New York ak Biwo Pak, Lwazi ak Prezèvasyon Istorik (Office of Parks, Recreation and Historic Preservation, OPRHP) Eta a an patenarya ak Biwo pou Moun ki gen Andikap Developmantal (Office for People with Developmental Disabilities, OPWDD) ak Divizyon Sèvis Veteran (Division of Veterans' Services, DVS) yo, ap òganize evènman gratis ak bon mache pou konekte moun yo ak lanati epi bay plis aksè anplennè. Jounen Soti Deyò ak Rasanble (Get Outdoors & Get Together Today) a pral mennen moun tout kapasite, laj, idantite ak orijin pou aktivite amizan, sen nan kad lansman yon nouvo inisyativ Gouvènè a pou elaji divèsite itilizatè yo ak asire enklizivite aksè sou teren piblik eta a yo.

"New York se kay pou kèk nan espas anplenè ki pi fòmidab ak aksesib nan peyi a epi Jounen Soti Deyò ak Rasanble a se yon gwo opòtinite pou non sèlman montre espas sa yo men tou pou ankouraje moun tout kapasite itilize yo", **Gouvènè Hochul te deklare.** "Lè nou ankouraje moun ki soti tout kote ak diferan kapasite pou yo patisipe nan aktivite amizan ak aksesib anplennè sa yo ansanm, Eta New York ap kreye yon modèl enklizivite pou rès nasyon an swiv".

Nan 21 evènman atravè eta a, yo pral ankouraje patisipan yo pou yo dekoutri nouvo konpetans epi jwi yon seri aktivite rekreyasyon anplennè ki gen nivo debitankou lapèch, pwomnad nan lanati ak randone, obsèvasyon zwazo, tiralak, kan, kanotaj, ak plis ankò. Chak evènman pral mete aksan sou fason pou jwi aktivite anplennè yo sandanje epi yon fason dirab. Tout lokal yo pral ofri yon varyete aktivite aksesib; epi sèvi ak ekipman adaptasyon ak demonstrasyon yo pral bay nan anpil sit ki gen ladan èd pou deplase sou santye ak plaj, sipò pou tiralak, sipò bra pou lapèch ak plis ankò.

Jounen Soti Deyò ak Rasanble New York la kowenside ak Jounen Soti Deyò Nasyonal la, yon evènman anyèl pou ankouraje Iwazi ki gen ak aktif anplennè.

Ofisye an Chèf pou Moun ki Andikape nan Eta New York yo, Kimberly Hill, te deklare, "Nan New York, nou beni avèk pak ak teren piblik eta a ki pi enkwayab yo, epi mwen kontan dèské Jounen Soti Deyò ak Rasanble a ap fèt pou mete aksan sou fason moun ki andikape yo kapab epi ta dwe jwi tout opsyon aksesib ki disponib atravè eta a. Mwen ta renmen remèsy Gouvènè Hochul, OPWDD, NYS Parks, DEC ak Divizyon Sèvis Veteran paske yo prioyize enklizyon ak aksè nan espas lanati sa yo pou moun ki gen andikap".

Komisè Depatman Konsèvasyon Anviwònmantal la, Basil Seggos, te deklare, "Bèl aktivite anplennè New York yo se pou tout moun epi DEC angaje li pou li bay tout vizitè teren, dlo, ak enstalasyon nou yo yon eksperyans anplennè ki enklizif, akeyan ak an sekirite. Nou kontan anpil pou nou fè patenarya ak ajans eta sè nou yo nan evènman sa a epi fè koneksyon ak aktivite anplennè yo pi aksesib pou Nouyòkè tout laj, kapasite, idantite, ak eksperyans viv".

Komisè Pak Eta yo, Erik Kulleseid, te deklare, "Pak yo se kote natirèl rasanbleman pou zanmi ak fanmi atravè eta a epi Pak Eta New York yo pran angajman pou asire tout moun ki gen tout kapasite yo santi yo byenvini nan pak nou yo epi yo gen yon opòtinite egal pou yo fè eksperyans tout sa nou ofri yo. Jounen Soti Deyò ak Rasanble a montre peyizaj etonan New York ak abondans opòtinite Iwazi ki aksesib pou tout moun jwi. Mèsi a patnè nou yo nan Biwo pou Moun ki gen Andikap Developmantal, Depatman Konsèvasyon Anviwònmantal ak Divizyon Sèvis Veteran pou kolaborasyon yo nan pwogram enteresan sa a. Nou espere tout moun ap pase yon bon moman anplennè ap eksplore pak yo".

Komisè Biwo pou Moun Ki Gen Andikap Developmantal Eta New York la, Kerri E. Neifeld, te deklare, "Mwen vle remèsy Gouvènè Hochul dèské li kontinye mete enterè moun ki gen andikap yo kòm sant atansyon. OPWDD trè kontan pou li fè patenarya ak NYS Parks, DEC ak Divizyon Sèvis Veteran yo nan Jounen Soti Deyò ak Rasanble a paske li montre yon angajman pami ajans eta nou yo pou asire moun ki andikape yo enkli nan aktivite chak jou yo. Misyon nou nan OPWDD se ede moun nou sipòte yo viv lavi ki pi rich epi patisipe totalman nan kominote yo. Jounen Soti Deyò ak Rasanble a pwomèt li pral yon jounen enklizyon amizan pou enklizyon pou moun ki gen tout kapasite nan Pak ak teren DEC aksesib nan New York yo".

Viviana DeCohen, Direktè Divizyon Sèvis Vetera Eta New York la, te deklare, "Nou rekonesan anpil pou travay kontinyèl patnè nou yo nan gouvènman Eta a ki kontinye fè presyon pou ogmante aksè ak ekite nan teren ak dlo piblik New York yo epi nou kontan pou nou kontinye travay ansanm pou elaji aksè nan terapi anplennè yo".

Bezwen pou jwenn aksè nan lanati ak Iwazi anplennè pa janm te pi gwo. Obezite timoun yo double pandan 20 ane ki sot pase yo, epi an mwayèn timoun Ameriken pase apèn 30 minit nan jwèt deyò san estrikti chak jou ak plis pase sèt èdtan chak jou devan yon ekran elektwonik. Pandan pandemi COVID-19 la, Nouyòkè yo te ale nan aktivite anplennè ak teren piblik yo pou yon poz nan lanati, ki bon pou sante fizik ak mantal.

Evènman Jounen Soti Deyò ak Rasanble a yo sipòte Nouyòkè tout nivo kapasite yo nan eseye aktivite anplennè ki sen yo.

Lokal Evènman ak Aktivite DEC yo

Lokal Evènman DEC yo:

- Rejyon 1/Long Island: Pak Eta Hempstead Lake (Konte Nassau)
- Rejyon 2/Vil New York: Mount Loretto Unique Area (Konte Richmond)
- Rejyon 3/Hudson Valley: Stony Kill Farm Environmental Education Center (Konte Dutchess)
- Rejyon 3/Catskills: Kenneth L. Wilson Campground (Konte Ulster)
- Rejyon 3/Catskills: Catskills Visitor Center (Konte Ulster)
- Rejyon 3/Hudson Valley: Pak Long Dock (Konte Dutchess, nan patenarya avèk Scenic Hudson)
- Rejyon 4/Catskills: North-South Lake Campground (Konte Greene)
- Rejyon 4/Rejyon Kapital: Five Rivers Environmental Education Center (Konte Albany)
- Rejyon 5/Adirondacks: Scaroon Manor Campground (Konte Warren)
- Rejyon 6/Lwès Adirondacks: Lowville Forestry Demonstration Area (Konte Lewis)
- Rejyon 7/NY Santral: Rogers Environmental Education Center (Konte Chenango)
- Rejyon 8/NY Santral: Ansanm ak ADK Outdoor Expo (Konte Monroe)
- Rejyon 9/Lwès NY: Reinstein Woods Environmental Education Center (Konte Erie)

Tout lokal yo ofri opsyon ak aktivite ki aksesib pou chèz woulant ki gen ladan twalèt ak opòtinite rekreyatif chwazi yo. Kontakte kowòdonatè evènman an dirèkteman avèk demann pou aranjman epi pou konnen ekipman ak aktivite adapte yo ofri nan chak sit.

Aktivite nan enstalasyon DEC yo gen sa yo ladan:

- Lapèch: Pwogram I Fish NY la pral ofri klinik lapèch gratis pou tout moun. Aprann sou ekipman, teknik, règleman ak avi konsomasyon yo ak bon kote pou peche. Patisipan yo ka pote pwòp ekipman yo men kàn ak bobin yo ap disponib pou prete.
- Kan 101: Vizitè yo ka eseye men yo nan baz kan an nan plante yon tant sou gazon an epi aprann kijan pou fè malèt pou yon vwayaj nan kan.
- Kanotaj Patisipan yo ka aprann baz espò amizan k ap grandi vit sa epi eseye soti sou dlo a.
- Tiralak: Patisipan yo ka eseye atenn yon sib avèk yon ak epi flèch epitou aprann konsèy sekirite enpòtan yo.
- Obsèvasyon zwazo: Patisipan yo ka aprann kijan li fasil ak amizan pou jwi obsèvasyon zwazo prèske nenpòt kote.
- Randone: Patisipan yo ka fè yon pwomnad kout epi aprann baz pou yo jwenn santye pafè yo poukонт yo.

- Sekirite Anplennè: Aprann baz pou rete prepare ak san danje pou tout avanti anplennè yo kapab byen pase.
- Lwazi anplennè ki aksesib: Fè eksperyans ak aprann sou opòtinite lwazi anplennè ki aksesib sou teren Eta a yo ki gen ladan randone, kan, obsèvasyon zwazo, lapèch ak navigasyon bato.
- Nan Pak Long Dock, patisipan yo pral kapab jete filè pou pwason nan Rivyè Hudson, aprann sou teknik lapèch endijèn anplis pou aprann lapèch ak yon kàn ak bobin. Yon entèprèt pral disponib sou plas pou evènman sa a.

Anplis de evènman an nan Mt. Loretto, DEC ak NOAA pral òganize tou yon evènman lapèch ak filè apati 12 p.m. jiska 2 p.m. nan Pak Lemon Creek nan Staten Island nan kad Jounen Mondyal Migrasyon Pwason.

Tout evènman DEC yo gratis. Nou ankouraje envite yo pote manje pou piknik yo ak pwòp jwèt yo oswa ekipman espò yo. N ap jwenn [detay yo, sa gen ladan orè ak kondisyon enskripsyon yo](#) sou sitwèb DEC a. Tanpri sonje lè evènman an ka varye.

Lokal Evènman ak Aktivite Pak Eta yo

Lokal Pake Eta yo:

- Long Island: Pak Eta Sunken Meadow
- Niagara: Pak Eta Buffalo Harbor
- Genesee: Pak Eta Hamlin Beach
- Allegany: Pak Eta Allegany
- Rejyon Saratoga/Kapitòl: Pak Eta Saratoga Spa
- Finger Lakes: Pak Eta Taughannock Falls
- NYC: Pak Eta Riverbank Denny Farrell la
- Taconic: Pak Eta Lake Taghkanic

Detay sou pwogram ak orè pou chak lokal endike anba a epi nou kapab jwenn yo lè nou ale sou [www.parks.ny.gov](#). P ap gen frè paking pandan lè evènman yo. Nou ankouraje envite yo pote manje pou piknik yo ak pwòp jwèt yo oswa ekipman espò yo. Pou detay sou ekipman vizitè nan chak lokal, ale sou [www.parks.ny.gov](#).

DEC jere apeprè de milyon ekta tè publik, ki gen ladan 1.21 milyon ekta nan rezèv forè Adirondack ak Catskill yo, 55 teren kan ak espas yo itilize lajounen, plis pase 2023 kilomèt santye fòmèl, ak plizyè santèn pwen depa santye, anbakasyon bato, ak waf lapèch yo. [Planifye pwochen avanti anplennè ou](#) epi konekte avèk nou sou [Facebook](#), [Twitter](#), [Flickr](#) ak [Instagram](#).

Biwo Pak, Lwazi ak Prezèvasyon Istorik Eta New York la sipèvize plis pase 250 pak, sit istorik, santye rekreyatif, teren gòlf, anbakasyon bato ak plis ankò, ki te resevwa yon kantite rekò 78,4 milyon vizitè an 2021. Yon etid resan te dekouvi ke Pak Eta New York yo jenere 5 milya dola nan depans vizitè ak pak yo, ki ap sipòte prèske 54,000 travay. Pou plis enfòmasyon sou nenpòt nan zòn lwazi sa yo, vizite [www.parks.ny.gov](#),

telechaje [aplikasyon mobil NY State Parks Explorer a gratis](#) oswa rele nan [518.474.0456](#). Epitou, konekte sou [Facebook](#), [Instagram](#) ak [Twitter](#).

Biwo Eta New York pou Moun ki gen Andikap Devlòpmantal (OPWDD) yo bay sipò ak sèvis bon kalite ki santré sou moun pou moun ki gen andikap devlòpmantal yo, sa gen ladan andikap entelektyèl, paralezi serebral, sendwòm Down, twoub espèk otis, ak lòt andikap newolojik. OPWDD bay sèvis dirèkteman ak atravè yon rezo plis pase 600 founisè ki san bi likratif. Misyon OPWDD se pou ede moun viv lavi ki pi rich ki gen ladann relasyon ki gen sans, bon sante, kwasans pèsonèl ak yon kay ki pèmèt yo patisipe nan kominate yo. Pou plis enfòmasyon ale sou [www.opwdd.ny.gov](#) oswa konekte avèk nou sou [Facebook](#), [Twitter](#) ak [Instagram](#).

Divizyon Sèvis Veteran Eta New York la sipòte veteran New York yo, manm sèvis yo, ak fanmi yo, bay asistans pou ede yo jwenn avantaj eta ak federal yo te genyen gras ak sèvis yo bay Eta New York ak Etazini. Pou plis enfòmasyon sou benefis veteran yo, tanpri pran yon randevou ak yon Konseye sou Benefis Veteran nan DVS lè w rele nan 888-838-7697 oswa ale sou [sitwèb](#) ajans lan.

###

Lòt nouvèl disponib sou sit [www.governor.ny.gov](#)
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)